

An Esel mit reecht langa-n-Ohro,
heat, dass ar Esel ischt erscht gschporo,
wo uon Mensch dieson Esel hoasst;
do Esel eotz, wer Mensch ischt, woasst.

(ASP610— 23.12.2012)



Weoltundergang


(ASP611— 29.12.2012)



AmTag, a deom d' Weolt undergoht,
döt, losand mir ganz gnau eotz zuo,
kuon Stuo mä uf om andro stoht!

I richt 's, döt bio-n-i nid dahuo.

(ASP611— 29.12.2012)



Zahnarzt

(ASP612– 30.12.2012)



Wenn dina Zahnarzt seit: „o-je“,
ischt däs nid, will as dir tuot weh,
denn hoäßt i deom Fall däs blös, dass
für iohn sä was verdiona lass.
Denn tuot er dir erscht g'hörig weh;
wenn d' Reochnung kut, seischt DU: „o-je“.

(ASP612– 30.12.2012)



I go ganz schneoll uf achzgä zuo,
dergegot, woäß i, kascht nünt tuo.

Dass numma hüt ma gär alls ka,
muon i, däs seoch ma mir nid a.

I zoag vo-n-ussa mä reocht jung,
ou manglat 's nid am ionro Schwung.

Mit Lüto z' redot, hoch würd schätzt,
guot tuot as, wenn mit mir ma schwätzt.

I mach a Bsüochle döt und do,
hio mämmol d' Kappo ligo lo.
Seischt du "wio goht 's", säg i "as tuot 's,
d' Vergeosslichkeit heat ou si Guots.

goh-n-i ga d' Kappo hola anä,
mit an am Gleslä reochna ka-nä.

I hio all no do-n-Überblick,
noo funktioniert min Kappo-Trick".



Do Hanseorg ghörtit under 's Dach,
as heat iohn halt no kuonä gno.
Probiort heat er 's scho dutzatfach,
stoht trotzdem all no ohne do.

Nid dass ar eopa d' Moatla flüch,
ischt all am Sprung, im Gegotoal;
blös wenn 's druf a kut isch ar schüch,
as wär scho mänge zwor gsi foal.

Eotz heat as sä aso argio,
ar ischt a-n-Opfer woaro-n-ionna,
ar dänkt uf 's Nöü "eotz oder nio"
obwohl ar siocht sä blös vo hionna.

Sie loufft, wio 's Teifels-Will, dorvo
dem Pfellar zuo, mit langa Schritt.
Er heat d' Verfolgung glei uf gno.
Muoscht gnöter si, wenn d' nochä wit.

Ou sie leit zwor an Gang no zuo,
ischt us Arfahrung uf or Huot.
As würd all dünklor, was ischt z' tuo?
Sie fassat sä an letscho Muot.

Sie dreit sä om, so lut sä ka
"was wänd sä ou?" schreit sie iohn a:
Do Hanseorg seit "Oh, liobä Frou,
- vo vorna eotz - frog i mi 's ou!"



An Sträl mit gad blös uonom Zah
zum Sträla ma kaum brucho ka.
däs woäßt sogär an Glatzota.

Modern siond Glatza hüt bin Mä.
Ou d' Werbung heat scho huss do Schmäh,
verkouft drom Sträl eotz ohne Zäh.

(ASP615—04.04.2013)



As kut dir mämmol Züg in Sio,
wo d' seolber gär nid wit,
verfolgat dä konstant, as wio,
hartneckig Schritt uf Tritt.

Womöglä heascht an Somo gseit,
wo eotz gad ufgeh künt,
wit zruck i der Vergangoheit.
Ma woafst, vo nünt kut nünt.

Kut an Gedanko zmol vorbei
vo märchenhaftem Züg,
dass ma, wio d' Vögel Flügel hei,
dänn wart nid lang, dänn flüg.

Wenn d' all blös uf-om Bodo blibsch,
seolb Kreativität vertribsch.
Wenn d' 's Dänko iohm seolb überloscht,
bioscht Mensch, ou wenn d' nid alle verstohsch.

's seolb Dänko, zwor a Gottesgab,
nit Gott dir, gottsedank, nid ab.

Idealischt

(ASP617— 07.05.2013)



An Pessimischt arkennscht a däm,
ar fiondt wo kuos ischt a Problem.
Und fiondt ar wirklä amol kuos,
tuot er sä licht, ar macht sä uos.

An Optimischt dergegot fiondt
a Nodel i ma Höüstock - bliond.
Ar ischt ou drom an Optoimischt,
wil er döt suocht, wo d' Nodel ischt.

An Idealischt gloubt a sä seolb.
Blös er stoht grad, die andro scheolb.
Viel Scheolbä om mä ommä stond;
zum Glück, daß sie mi grad stoh lond.



Je meh as d' tuoscht,
Rennt d' Zit dervo
und froga muoscht,
was heascht ou to.

Je meh as d' seischt,
leischt roß di fescht;
wenn d' schluckscht das Meischt,
verschluckscht ou 's Bescht.

Je meh as d' dänkscht,
's reocht Gschpür verlürscht;
reocht viel verschänkscht,
wenn dänkscht, statt gschpürscht.

Je meh as d' spionnscht,
seit 's Gefühl "komm schou":
ganz Hüfo fiondscht,
sie spionnonnd ou.



Lehrar

(ASP619—17.06.2013)



Do Lehrar bingt do Schuolar bei
's ganz Leobo 's Lerna 's Wichtigscht sei.
Und wio-n-ar iohna 's Zeugnis git,
leit noch do Lehrar no a Schit.

Wer 's gär z' bequem hio well, schaff 's nio.
Bi iohm seolb hei si 's so argio.
Er hei do Rank zwor überko;
für Lehrar hei as 's grad no to.

(ASP619—17.06.2013)